



Alþingi
Erindi nr. Þ 133/138
komudagur 14.11.2006

Reykjavík, 14. nóv. 2006

Fjárlaganefnd
Birkir J. Jónsson, formaður

Vísað er til bréfs fjárlaganefndar frá 5. okt. sl. til sjávarútvegsnefndar. Meðfylgjandi er álit nefndarinnar á þeim hluta fjárlagafrumvarpsins sem snýr að málefnasviði hennar og tillaga að skiptingu safnliða.

Virðingarfyllt,
f.h. formanns sjávarútvegsnefndar


Eiríkur Áki Eggertsson nefndarritari

SJÁVARÚTVEGSNEFND

Álit

um frv. til fjárlaga fyrir árið 2007 (05 Sjávarútvegsráðuneyti).

Frá sjávarútvegsnefnd.

Nefndin hefur að beiðni fjárlaganefndar farið yfir þá þætti fjárlagafrumvarpsins sem eru á málefnasviði hennar, sbr. 2. mgr. 25. gr. laga nr. 55/1991, um þingsköp Alþingis.

Á fund nefndarinnar kom Arndís Steinþórsdóttir frá sjávarútvegsráðuneyti, Jóhann Sigurjónsson frá Hafrannsóknastofnuninni, Þórður Ásgeirsson og Gylfi Ástbjartsson frá Fiskistofu, Sjöfn Sigurgísladóttir frá Rannsóknastofnun fiskiðnaðarins en starfsemi þeirrar stofnunar verður lögð niður í lok þessa árs og flyst þá yfir til Matis ehf., sbr. lög nr. 68/2006.

Heildargjöld sjávarútvegsráðuneytis árið 2007 eru áætluð um 3.707 millj. kr. á rekstrargrunni. Frá dragast sértekjur að fjárhæð 688 millj. kr. en þær nema 18,6% af heildargjöldum ráðuneytisins. Rekstrargjöld ráðuneytisins að frádregnum sértekjum eru áætluð 2.514 millj. kr. og hækka um 193 millj. kr. frá fjárlögum þessa árs.

Í frumvarpinu er greint á milli fjárveitinga annars vegar til ráðuneytis og hins vegar til rannsókna og eftirlits. Heildarfjárveiting til ráðuneytis lækkar frá gildandi fjárlögum um 3,8 millj. kr. samkvæmt frumvarpinu og verður 384,7 millj. kr. Skiptist fjárhæðin þannig að 219,4 millj. kr. fara til reksturs aðalskrifstofu, 162,3 millj. kr. til ýmissa verkefna og 3 millj. kr. er ráðstöfunarfé. Þá gerir frumvarpið ráð fyrir að heildarfjárveiting til rannsókna og eftirlits hækki frá gildandi fjárlögum um 70,1 millj. kr. og verði 2.634,1 millj. kr. Stærstu framlögin sem ráðstafað verður af þeirri fjárhæð munu fara til Hafrannsóknastofnunarinnar 1.213,4 millj. kr., til Fiskistofu 805,4 millj. kr., til Matvælarannsókna 244,6 millj. kr. og til Rannsóknarsjóðs til að auka verðmæti sjávarfangs 235,0 millj. kr.

Helstu breytingar sem frumvarpið gerir ráð fyrir frá fjárlögum þessa árs eru 50 millj. kr. hækkun á framlagi til Hafrannsóknastofnunarinnar í samræmi við ákvæði í athugasemdum með frumvarpi til laga nr. 43/2006, um ráðstöfun fjár úr Verkefnasjóði sjávarútvegsins. Kveðið er á um 19 millj. kr. hækkun á framlagi til Fiskistofu. Þar af eiga að fara 10. millj. kr. til rannsókna og eftirlits með eitrun í þörungum og skelfiski og 9 millj. kr. til verkefnaflutninga og uppbygging á starfsstöðvum á landsbyggðinni. Til stendur að hækka framlag til AVS sjóðsins um 35 millj. kr. Þar af eiga að fara 25. millj. kr. til kynbóta á eldisþorski og 10 millj. kr. eru tímabundið framlag til markaðsöflunar fyrir eldisbleikju.

Af öðrum breytingum má nefna hækkun á framlagi vegna aukins rekstrarkostnaðar aðalskrifstofu ráðuneytisins og hækkun á árgjaldi Íslands til alþjóðahvalveiðiráðsins. Þá lækka framlög til að mynda til viðhalds- og stofnkostnaðar, vegna niðurfellingar tímabundinna framlaga og vegna aðhaldskröfu. Loks er gert ráð fyrir að fjárveitingum verði hætt til Rannsóknarstofnunar fiskiðnaðarins en í stað þess verði 244,6 millj. kr. veitt til kaupa á rannsóknum undir nýjum lið sem ber heitið Matvælarannsóknir.

Á fundi nefndarinnar kom fram að í frumvarpi til fjárukalaga fyrir þetta ár er gert ráð fyrir að fjárheimildir Hafrannsóknastofnunarinnar verði auknar samtals um 174,2. millj. kr.

Þá mun stofnunin að líkum verja 50 millj. kr. hækkun á framlagi í fjárlögum þessa árs til að halda úti rannsóknarskipum. Fiskistofa hyggst halda áfram að flytja starfsemi sína út á landsbyggðina með stofnun útibús á Höfn í Hornafirði ásamt því að efla starfsemi stofnunarinnar í Vestmannaeyjum. Loks voru ræddar breytingar á starfsmannahaldi Rannsóknastofnunar fiskiðnaðarins en starfsmönnum þar hefur öllum verið boðin vinna hjá Matis ehf. sem, eins og áður segir, mun taka við verkefnum stofnunarinnar frá og með 1. janúar n.k. Á fundinum komu fram sjónarmið um sífellt meira vægi öflugs matvælaeftirlits sem öðrum þræði má rekja til skuldbindinga Íslands á grundvelli alþjóðasamninga.

Sjávarútvegsnefnd leggur áherslu á að tryggt verði fjármagn vegna flutnings starfa Fiskistofu út á land, enda er það í samræmi við fyrirheit stjórnvalda.

Nefndinni bárust 5 umsóknir um fjárveitingu vegna safnliðarins 05-190-1.90 (Ýmislegt). Samkvæmt frumvarpinu hækkar liðurinn um 1,3 millj. kr. frá fjárlögum 2006.

Jón Bjarnason, Jóhann Ársælsson og Magnús Þór Hafsteinsson voru fjarverandi við afgreiðslu málsins.

Drífa Hjartardóttir skrifar undir álit þetta með fyrirvara vegna setu í fjárlaganefnd.

Alþingi, 14. nóv. 2006.

Guðjón Hjörleifsson,
form., frsm.

Kristinn H. Gunnarsson.

Jón Gunnarsson.

Drífa Hjartardóttir,
með fyrirvara.

Guðlaugur Þór Þórðarson.

Guðjón Ólafur Jónsson.

Skipting safnliðar 05-190-1.90,
Ýmislegt
(Allar tölur í þúsundum króna)

Á fund sjávarútvegsnefndar komu vegna skiptingar safnliða: Trausti Einarsson vegna Sögu hvalveiða við Ísland, Víðir Björnsson frá Samtökum íslenskra skelræktenda og Björn Theodórsson sem var Víði til aðstoðar. Einnig bárust nefndinni önnur erindi þar sem farið var fram á fjárveitingu en ekki var jafnframt óskað viðtals.

Tillaga sjávarútvegsnefndar um skiptingu safnliðarins er eftirfarandi:

Umsækjandi.

Tillaga að fjárveitingu 2007.

1. Fræðasetrið í Sandgerði	1.000
2. Laxfiskar ehf., atferlisvistfræði laxa í sjó	2.300
3. Norðurlandsdeild Veiðimálastofnunar	2.700
4. Saga hvalveiða við Ísland	500
5. Samtök íslenskra skelræktenda	1.500

Samtals

8.000

F. h. formanns sjávarútvegsnefndar

Eiríkur Áki Eggertsson
Eiríkur Áki Eggertsson, nefndarritari.

SJÁVARÚTVEGSNEFND